

Fasnacht 2020

Blagèèri



e VSG Bangg

Bis jetzt hänn mini Möbel tolli Nämme trait
Ha dene „Billy“ „Torkel“ oder „Ingvar“ gseit
Jetzt hän „d Eschtricher“ dr Pfischer ybernoo
Scho gsesch dert e Schrangg names „Adolf“ stoh

Im historische Museum täte Sache verschwinde
Au sueche nützi nyt, me könnns nimme finde
Do han ich a mini Alti dänggt
Und hanere e Museums-litritt gschänggt

Im Groosroot gitt Frau Knellwolf e Vorstoss ii
Will sovil baue wird, setti drämmli fahre gratis sii
Der Vorstoss lychtet uns Blagèèri ii
Wenn jo kai Drämmli fahrt kas gärn gratis sii

Dr Shakiri, das Bonsai Kraftpaket
Het Angscht im hoche Gras, dass me ihn nimmi seht
Für dass en d Mitspiler doch kenne finde
Will är ums Veregge die Kapitän Binde

Die Greta steert, das isch nit fair
Mit ihre Demos unsre Stossverkehr
Vo däre hätt me nie nyt gheert
Hätt me dr Verkehr vo ihre Eltere gsteert

Uff däm Helge kasch es see
Dä Öpfel stoht für d SVP
D'Ussag die isch kurz und knapp
Uss däm fule Öpfel haue sogar Made ab

Ich ha, do bini putzt und gstrählt
D Arslan und de Atici noch Bärn uff gwählt
Ich ha si, das muesch au verstoh
Beidi lieber dert als do

Die letschte Wahle sind wärtvoll – pedagogisch
Dä Grienrutsch zeigts doch völlig logisch
Ganz viel Griens uf me Hufte isch bigoscht
Simpel, eifach nur Komposcht

Ob Tump, ob Merkel, Zürcher oder Schwoobe
Ob Papscht oder Drämmli puff jede Oobe
S'gitt druss kai Bangg mit Pfiff und Witz
Drum liebe Wessels bliib no e bitz

Ich gang uff Weil go Klopapier poschte
Will Schissirole dert weniger koschte
Jetzt stand i imme laschlevelostau
Und dehei uff em WC wartet mini Frau

Falschi Polizishte wo im Baselbiet umme schliche
Ergaunered Stutz vo Alte und Riiche
Die Schugger sind ächt, sie sind am Gäld zämme
spare
Au uff em Land mechte Polizishte TESLA fahre

Artgrächti haltig sells im Zolli gee
Drum kasch dert kaini Wölf und Bäre me see
Näggschtens hetts in de Gheeg kaini Affe
Dert kennt me günschtige Wohnruum schaffe

Wottsch au by uns bänggle?

Uff www.vsg-basel.ch erfahrsch meh!

